

Paerewa Paetae

Aronga	Toi Ataata 2.1		
Ingoa	Te whakamātau i ngā pūkenga toi o ngā toi ataata		
Kaupae	2	Whiwhinga	4
Marau akoranga	Te Marautanga o Aotearoa		
Kokonga akoranga	Ngā Toi		
Mana rēhita	Kua rēhitatia	Te rā i mana ai	8 Hakihea 2015
Te rā e arotakengia ai	31 Hakihea 2018	Te rā i puta ai	19 Whiringa-ā-rangi 2015

Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Toi Ataata

Ka whakawhanake ariā, ka whakamahi, ka whai māramatanga, ka whakawhitiwhiti whakaaro hōhonu:

- *[tūhura] e whakaata mai ana i tōna ūnga ki te whakaputa whakaaro;*
- *[mahi] i ōna pūkenga hei hanga, hei whakawhanake, hei whakawhānui;*
- *[mōhiotanga] ki te tūāhua mahi.*

E hono ana ki te Papa Whakaako mō Ngā Toi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

Paetae Te whakamātau i ngā pūkenga toi o ngā toi ataata.	Hei tohu i te paetae: • Ka whakamātau i ngā pūkenga toi o ngā toi ataata i roto i tētahi kaupapa, horopaki rānei. • Ka whakaatu i te mārama ki ngā tikanga o ngā pūkenga toi o ngā toi ataata.
Kaiaka He kaiaka te whakamātau i ngā pūkenga toi o ngā toi ataata.	Hei tohu i te kaiaka: • Ka whakamātau i ngā pūkenga toi o ngā toi ataata kia hāngai tōtika ki tētahi kaupapa, horopaki rānei. • Ka whakamāori i ngā tikanga o ngā pūkenga toi o ngā toi ataata.
Kairangi He kairangi te whakamātau i ngā pūkenga toi o ngā toi ataata.	Hei tohu i te kairangi: • Ka whakamātau i ngā pūkenga toi o ngā toi ataata kia hāngai, kia whaitake tonu i roto i tētahi kaupapa, horopaki rānei. • Ka whakawhānui i ngā tikanga o ngā pūkenga toi o ngā toi ataata kia puta ai he māramatanga.

Kōrero Āpiti

E whai ake nei ngā whakamārama o ngā tino kupu, kīanga rānei:

ka whakamātau i ngā pūkenga toi	Te kōwhiri, te raweke, te whakamahi i ngā pūkenga e tika ana hei whakawhanake whakaaro toi.
ngā pūkenga toi o ngā toi ataata	Ngā whakaaro arohaehae, wetewete, ngā mahi whakatairite, whakamāori, aromātai, te whakaaro whānui/hōhonu, te huritao.
ngā tikanga o ngā pūkenga toi o ngā toi ataata	Te ahunga mai me ngā tino pūtake o ngā pūkenga toi o ngā toi ataata.
ka whakamāori i ngā tikanga	Ka āta whakaatu, ki ōna ake whakaaro, i te hāngai o ngā tikanga ki tētahi kaupapa, horopaki rānei.
kia whaitake	Kia puta tonu he hua i te mahi, kia kaua e noho hei mahi tūhura noa iho.
kia puta ai he māramatanga	Kia whakatauiratia mai he pēhea te hāngai ki tētahi kaupapa, horopaki rānei.

Tātari Kōunga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
